

## XITATIMENDE XA VUHANGALASAMAHUNGU MAYELANA NO KHOMIWA KA MADYIKEPE HI SARS

**Tshwane, 20 Ndzati 2023** – Vukorhokeri bya Xibalo bya Afrika-Dzonga (SARS) byi lemukile xiviko xa vuhangalasangamahungu xa ti 17 Ndzati 2023 hi Sunday Times mayelana no khomiwa ka madyikepe ma ntlhanu lama khumbekeke eka hangalaso wa tinhundzu na vukorhokeri wa mphakelo wa mafurha eka dyikepe.

Ku sukela hi 2016, SARS a yi ri eku burisaneni na indasitiri ya mafurha ku hlohlotella ku landzelela nawu lowu tirhanaka na ntundzo, vuxavisi na migingiriko yin'wana ya madyikepe leswi nghenelelaka eka mphakelo wa mafurha.

Ku fambisana na minghenelelo leyi, SARS yi tlhele yi endla milavisiso eka vulandzelelanawu eka mphakelo wa mafurha eka dyikepe, no khomiwa ka madyikepe lama vuriweke eka xitsariwa xa vuhangalasangamahungu i xiphemu xa ndzavisiso lowu wu yaka emahlweni.

SARS yi tiyisisa leswaku madyikepe mo hlaya ma khomiwile hi ku ya hi Nawu wa Khasitomo na Ekisayizi, 91 wa 1964. Leswi swi endlwile eka ndzavisiso wa ntolovelo laha swipimelo swa Nawu swi nga tluriwa. SARS yi le ka mbono wa leswaku nkomo wu le nawini naswona, tanihleswi ndzavisiso wu yaka emahlweni, a ku se tekiwa xiboho xo teka madyikepe malamo.

Khomixinara wa SARS Ttn Edward Kieswetter u te "SARS yi boheka ku fambisa nawu hi ndlela ya kahle, handle ka nchavo tintswalo kumbe ringhohe no fambisa milavisiso hi ndlela ya vutihlamuleri ku ya hi endlelo ra kahle. SARS a yi na ntsakelo wo veka nkulo wa ikhonomi eka nxungeto kumbe ku hoxa xandla eka xiphiso xa vupfumalantirho, vusweti na nkandzanganano."

Khomixinara u hlohloterile vahakelaxibalo na vaxavisi ku landzelela swiboho swa vona swa xibalo na Khasitomo. U tiyisisile leswaku SARS yi nge kanakani ku tirha hi ndlela ya tihanyi na matimba ku tiyisisa leswaku nkavulandzelelanawu wu nonoha no durha eka lava papalataka swiboho swa vona hi vomu. Xikombelo eka vahakelaxibalo na vaxavisi hinkwavo i: "landzelela kumbe u hlangana na switandzhaku".

Ku kuma voxokoxoko byo engetelelaku, u komberwa ku tihlanganisa na [SARSMedia@sars.gov.za](mailto:SARSMedia@sars.gov.za).